

SEKGONYO SA LEMATI

 Monyetla go ba mo tabarenekeleng! Go bile go se letelwe go nna go gonniane, le nna. Nna, go tsebeng bosegong bjo e be e le bošego bja selalelo, ka mehla ke rata, ge ke le tikologong e ka ba kae, go tla ka gare go selalelo. Gobane ke... Ke nagana gore Bakriste bohole ba swanetše go letela go tšeа selalelo, ka gobane Jesu o rile, “Ge o sa se je, ga o na kabelo go Nna.” Kagona, ke... ka mehla monyetla o mobotse go—go tla ka tabarenekeleng. Gona, bošengong bjo, Ngwanešu Neville o rile o be a no ba makgwakgwa nthathana gannyane, gomme—gomme o ratile ge eba ke tla bolela le phuthego ya rena. Ke mmoditše ke tla thakgalela go dira bjalo. Ke tla rata go bega gape gore ge...

² Gosasa bošego ke kopano ya banna, bahlokamelaphahlo, gosasa bošego, le borakgwebo fa ba kereke, go kopano ya bona ya mehleng ya Mošupologo le ya bona... go tšeа sephetho go dira le rakontraka. Ke a thanka bohole le kwesiša gore dipampiri tšeа rena—tšeа rena—tšeа rena di sepetsé, gomme re ya go kgona go aga kereke. Gomme kafao e a sepela, gomme ka kgonagalo ya thoma beke ye. Kereke e thoma beke ye, bokgole bjoo ke tsebago. Gomme ba re ganne go yona, fa ka Jeffersontown. Eupsa re ile Indianapolis, naga, gomme ba re file tumelelo, kafao re ya go e aga. Gomme kafao e a thoma, mohlomongwe, beke ye. Go tla tsebja ka morago ga kopano gosasa bošego. Gomme gona morago ga kopano gosasa bošego, ge ba sa thome beke ye, ge se sengwe se direga, rakontraka a ka se thome beke ye, o ya go thoma gona beke ye e latelago.

³ Gomme mafelelo a beke a a tlago a, Mokibelo bošego, Lamorena mosong le Lamorena bošego, bja beke ye e tlago, Mokibelo wo o latelago o tlago wo le Lamorena, Morena a rata, ke nyaka go ba le ko—ko—ko kopano ya boboraro, gape, boka re dirile dibeke di se kae tšeа go feta. Gomme morago ga ge re... Yeo e tla ba Mokibelo bošego, le morago Lamorena mosong, le morago Lamorena bošego. Ya go latela, e tla ba la lesometharo le la lesomenne la kgwedi ye.

⁴ Gomme morago ba bangwe ba baena le nna re a sepela ka morago ga nako yeo, godimo ka Colorado, go leeto la go tsoma, morago ra bowa morago. Ge tabarenekele, ge e feditše, ge go ka ba thato ya Morena, ke nyaka go tšeа, mohlomongwe, beke ya go felela pele ke tloga gape ka dikopanong, gomme re be le *Mahuto A Šupago a Kutollo*. Feela pele... Boka re bile le *Mabaka A Šupago A Kereke*, bjale *Mahuto A Šupago* go latela Ale.

⁵ Gomme ka kgonagalo ka go e ka ba dibeke tše pedi goba tše tharo tše di latelago, gobane ke nagana ba teleima ba, le ka banna bao ba yago go ba Bea go yona, ba ka kgona, re ka kgona

go aga tabarenekele le go ba le yona ka go e ka ba matšatši a lesome, goba lesometlhano, se sengwe boka seo. Morago re ya go ba le sekgora sa go dula fa bakeng sa e ka ba gabedi batho re nago le bona, goba makga a mararo, mohlomongwe batho ba bantši. Gomme ke ka tsela yeo ke bego ke letile go fihla nako yeo.

⁶ Gobane, Mokibelo le Lamorena la go feta, go be go šiiša, le a tseba. Batho ba be ba eme ntle fa ka iri ya bobedi morago ga sekalela, go tlatsa tabarenekele, pele kereke ebile e ka bulwa. Mosong wa go latela, ka iri ya bohlano, mooki o dula go agelana le nna, a etšwa godimo fale, o rile, “Go be go le batho ba no tlala gohle go dikologa tabarenekele ka iri ya bohlano mosong.” Kafao, gomme morago batho, ge ba tsena, ga go sebaka, gomme ba nyefa moko gomme ba a tloga. Gomme—gomme morago bale ba ba emego, gomme ba pitlagane gomme ba pakelane ka mekgobeng, ba ikwela bohole ba kgatlelane, le se sengwe le se sengwe. Gomme ke bona basadi ba eme fale, ba etšwa sethitho, le a tseba, ka mokgwa woo, gomme sethitho se kitima go tšwa go bona. Gomme monna tsoko o a ineela gomme o fa wa gagwe, mosadi tsoko setulo; gomme morago o tla ema go fihlela maoto a gagwe a le bohloko, gomme yo mongwe gape o tla mo fa. Le a tseba, le ka mokgwa woo, gomme go a šokiša, le bomme ka bana ba bannyane ba go lwala le go ya pele, ke mo go be.

⁷ Kafao, re leka go fedija seo bjale ka go ageng tabarenekele ye kgolwane. Gomme re tla ba le lefelo le lebotse moo bana, nako tše dingwe... le go tsenatsena, boka bana ba bannyane ba lla; gabotse, re ya go ba le sekgora bakeng sa bao, gore bomme ba kgone go tsena, ba sa bona tirelo, le go gašwa thwi ka kamoreng. Le go ba le dikamora tša sekolo sa Lamorena le se sengwe le se sengwe se nno bewa mothalong ka tsela ye se swanetšego go ba. Gomme seo, ge Morena a rata, se direga, e tla bekeng ye e tloga ye.

⁸ Bohle le boutile phesente tše lekgolo go yona, kafao re swareletše thwi go seo, le a bona. Kereke e ikeme. Se kereke e se boleLAGO, se sona. Bahlokamelaphahlo goba ga go motho gape... Bahlokamelaphahlo ba no ba, yo mongwe le yo mongwe, bouto. Modiša o no ba bouto e tee. Ke kereke, gore ke—ke temokrasi ya kereke, boikemo bja kereke. Kereke, ka moka, e a bolela. Ke phetho. Gomme re rata seo, gobane ga re ne dipišopo goba maemotlhatalamano goba baokamedi le go ya pele go re botša se, seo, goba se sengwe. Ke Moya wo Mokgethwa ka kerekeng, o boleLAGO. Ke rata molao woo, gomme o lokile kudu.

⁹ Gomme ke botšišitše, “A lena bohole le nyakile go leta go fihla re hwetsa go lekanelo go tlosa tabarenekele le go aga kereke ye kgolo?” Yeo e be e le go poto ya bahlokamelaphahlo, gomme ga se e kgone go fetšwa ke bahlokamelaphahlo. Gomme morago ba mpotšišitše, bjalo ka mookamedipharephare, go tla go botšiša kereke. Kafao ke rile, “Bjale re ne tšelete ya go lekanelo go oketša saese ya kereke le go e lokiša gohle go fapano, le se sengwe

le se sengwe, go phala ye re bilego le yona.” Ke rile, “Bjale re ka kgona go e dira bjale thwi, goba ra boloka tšhelete ya rena go fihla re hwetša ya go lekanelo go bea kereke ya go felela, e mpsha, lefelotsoko le lengwe.”

¹⁰ Gomme re tšere bouto go yona ka kerekeng, gomme go bile go boutela wa lehlabula bakeng sa go “emiša kereke thwi bjale, gomme go no agwa kereke ye kgolwane thwi bjale.” Gomme re dutše thwi le yeo.

¹¹ Gomme poto fa ka Jeffersonville e re latoletše, e rile re ka se kgone go e dira. Gomme re ile ka godimo ga yeo, gomme re ile Indianapolis gomme ra tliša Mmušo ka go yona. Gomme morago ba rometše morago lentšu, gore, “eyang pele,” re ne tokelo go e aga. Kafao gona toropokgolo ga e ne selo go dira le yona bjale, ke Mmušo o swanetsego go e dira. Kafao gona re ne tumelelo, rakontraka o ne tu—tu tumelelo ka seatleng sa gagwe thwi bjale, gomme ke a thankba komana go thoma nako e ka ba efe.

¹² Bošego bja gosasa bjo, ge—ge rakontraka a ka re o nyaka go thoma beke ye e tlago, gona ke tla lesa dikopano bakeng sa . . . go fihlela re etla go *Mahuto A Šupago*. Gomme gona ge rakontraka a ka se kgone go thoma beke ye e tlago, gona Lamorena la go latela, Mokibelo le Lamorena, Ke tla ba le kopano pele ke tloga.

¹³ Gomme gona ke be ke eya go ba le yona Lamorena le, gomme morago ke hweditše bosegong bjo ke bošego bja selalelo, kafao ke e tlogetše Lamorena le. Gobane, lešaba le le bjalo, o ka se tšee selalelo ka go iketla, gomme gona ge re na le kereke ye kgolwane re ka kgona.

¹⁴ Bjale, re ne Mopresidente yo a tlago. Mo . . . oo, le tseba se ke se rago, o sa tšo fiwa go lapa la Hickerson e se kgale kudu. Gomme kgaetšedi wa rena yo a lego mmapiano, ge a ka tla le go re fa khote go piano, ya “Ba Tlišeng Ka Gare,” ge re rata, goba pina tsoko ye nnyane ya mohuta woo. Mokgomana yo mokaone yo monnyane yo ka lapeng la Hickerson, yoo a bego a lebeletšwe lebaka le letelele kudu, o gorogile. Moisa yo monnyane yo mokaone kudu, gomme ka kgontche ke lebjebohllokwa go ba gaHickerson. Gomme bohle ke mabjebohllokwa go rena, re a ba rata gomme ka kgontche ke ngwanešu le kgaetšedi wa rena. Re leboga go ba le yo monnyane yo a belegwe ka lapeng la bona, yo ka mnene a fetotšego lelapa. Gomme ge bona, tate le mme ba ka tliša moisa yo monnyane yo bjale bakeng sa kgafelo. Bjale, Lengwalo le re, “Ba tlišitše bana go Yena, masea, gore A ke a bee seatla sa Gagwe go bona le go ba šegofatša.”

¹⁵ Bjale, go ne batho ka lefaseng bao ba dumelago ka go se re se bitšago “kolobetšo ya lesea.” Gomme, ke gore, ba tšea baissa ba bannyane ba gomme ba se ba kolobetše le gatee, gobane, ba no bafafatša ka meetse. Bjale, ga re hwetše seo e ka ba kae ka Beibeleng, moo ba kilego ba fafatša e ka ba mang, ba bagolo, le ga ešita bana.

¹⁶ Gomme kafao kolobetšo ke boipolelo gore mošomo wa ka gare wa mogau o dirilwe. Gomme masea a mannyane ga a ne tsebo ya sebe. Kagona, ge Jesu a hwile sefapanong, O hwile go tloša sebe sa lefase. Gomme lesea le ba motho, le go tswalwa ka lefaseng le, ga ba na sebe sa bona beng, kagona ga ba ne tshokologo ba ka e dirago. Eupša, ge yeo, Madi a Jesu Kriste a tloša sebe seo. Gobane, lesea le tswaletšwe sebeng, la kgolokelwa bokgopong, la tla lefaseng le bolela maaka, gomme ke bona badiradibe ka tlhago, eupša Madi a Jesu Kriste a lebalela bakeng sa seo. Eupša ge lesea le etla ngwageng wa boikarabelo, gomme le tseba botse le phošo, gona le swanetše go sokologa go se le se dirilego. Ke sebe bjale ke sebe feela boka le tswaletšwe sebeng, ke sebe sa bomotho, sebe bjale ke sebe seo Adama le Efa ba se dirilego; gomme seo se tlošitšwe ke Modimo, ka Madi a Jesu Kriste. Bjale lesea ga le ne dibe go sokologa go tšona go fihla a dira sebe, gona o swanetše go sokologa. Le a bona? Gomme ge a sokologa, gona ke nako go kolobetšwa, gomme gona o kolobetšwa ka go karabetšwa.

¹⁷ Go fihlela nako yeo, re latela ditaelo tša Beibele, e lego, “Ba tlišitše bana ba bannyane go Jesu, gore A ke a bee diatla tša Gagwe go bona le go ba šegofatša.” Motswadi yo wa go ratega yo bošegong bjoo tliša lesea le lennyane le go modiša le nna, bakeng sa kgafelo. Gomme ba ikwela gore go le beeng ka diatleng tša baemedi ba Kriste, ba le bea ka diatleng tša Kriste. Gona, ka tumelo, re tliša lesea go Modimo, go fa ditebogo go le tlišeng fa, le go kgopela Modimo go le šegofatša, ye re e bitšago “kgafelo ya lesea.”

¹⁸ Bjale, le a tseba ka fao nka bago ka ga bana ba ka mong. Ke ne mosetsana yo monnyane ka Letagong bošegong bjo, gomme o ile a gafelwa go Morena, fa mo aletareng. Ke ne mošemanne yo monnyane le mosetsana ba dutše morago fale, bošegong bjo, bao ba sa nkago ba kolobetšwa golebjalo. O tee, lesometee, ke be ke bolelela le yena ka yona lehono, Sarah, bakeng sa kolobetšo. Gomme Joseph o no ba šupa, kafao o sa le yo monnyane kudu bakeng sa yona golebjalo, bokgole bjoo go fihla... Ge a ka e kganyoga, gomme a re Modimo o be a e bea ka pelong ya gagwe, ke tla e dira gona. Eupša, bjalo ka masea, ke no ba gafela go Morena, gobane seo ke se Lengwalo le se rutago.

¹⁹ Ngwanešu Neville, ge o ka sepelela ntle le nna bjale go mošemanne yo mokaone yo. [Ngwanešu Branham o batamela Ngwanešu le Kgaetšedi Hickerson—Mor.] Ke be ke tšhogile... A yoo ke Hollin? Hollin? Ya, Hollin, Monyane. Stephen Hollin. Gabotse, yeo e lokile. Oo, ke naganne o be a robetše. Yeo ke tlhago yela ka ba ga Hickerson, e ka ba eng e yago. Ke mmone letšatši le lengwe, ke rile, “Mopresidente,” le go ya pele. Gomme, nnete, yeo e be e le ye nnyane kudu go yena, le a bona, go bolela ka yena bjalo ka “Mopresidente.” Go bjang? Gabotse, ke a tseba seo se tlemegile go ba lehumo go mme e ka ba ofe wa bomodimo. A o ka

se nagane bjalo? Bose kudu. Gomme bjale, Ngwanešu Hickerson le Kgaetšedi Hickerson, bjalo ka mohlanka wa Kriste, bjalo ka modiša wa lena, ke tšeela lesea le, ka tumelo, go matsogo a Jesu Kriste, ka go Yena le ratago go le bea ka matsogong a Gagwe.

²⁰ A re inamišeng dihlogo tša rena ge modiša le nna re ema fa ka diatla tša rena go lesea.

²¹ Tatawešo wa Legodimong, ka Beibeleng ba tlišitše bana ba bannyane go Wena, gore O ke o bee diatla tša Gago godimo ga bona le go ba šegofatša. Gomme ka therešo, Morena, ba ile ba šegofala. Gomme bjale go latela mohlala wa Gago, dilo tšeou O di dirilego, re lekile sekgauswi, Morena, go baleng Beibele le go late leng mohlala feela bjalo ka ge O dirile. Gomme mme le tate yo, Ngwanešu le Kgaetšedi Hickerson, barutiwa ba rena ba go ratega fa ka tabarenekeleng, ba tliša go rena nthatana ye nnyane ye ya lethabo leo O le beilego tlhokomelong ya bona. Le tšwa go Wena, Morena. O ba file ngwana yo. Gomme bjale ba hlologela go neela bophelo bja lona go Wena, go ba tirelo go Wena. Ke a rapela gore O tla šegofatša ngwana yo, gore O tla le fa bophelo bjo bottelele. Anke le phele, ge go kgonega, go bona go Tla ga Morena. Ke a rapela gore O tla le šegofatša e ka ba kae le lego. Anke le godišetšwe ka lapeng la Bokriste, bjalo ka ge le tswaletšwe ka go le letee. Gomme anke le tšwelepele ka lapeng le. Anke tate le mme ba phele go bona lesea ka phuluphithing, ge go kgonega, le rera Ebangedi. Bokaone ba le bone ka tsela yeo, Tate, go phala mo te—te teroneng ka White House, goba e ka ba kae gape, gobane ke bahlanka ba Gago, gomme ba hlologela bophelo bja lesea go ba kgafelo le tšegofatšo go modiro wa Modimo.

²² Bjale ke a rapela, Tate, gore O šegofatše ngwana. Gomme anke mogau wa Modimo o tle godimo ga lona, gomme anke le phelege le go thaba bophelong bja lona bjhohle. Gomme anke tate le mme ba phele go le bona le gola, re kgopela gape. Le šegofatše yo re mo šegofatšago Leineng la Gago.

²³ Gomme bjale, Stephen Hollin Hickerson yo monnyane, ke go neela go Jesu Kriste, gore ditšhegofatšo tšeou re di kgopetšego nke di tle godimo ga gago. Phelega le go tia, ngwanešu yo monnyane, gomme anke o phele go tagafatša Modimo. Ka Leina la Jesu Kriste re a e kgopela. Amene.

Modimo a go šegofatše. Modimo a le šegofatše bohole. Lesea le lebose kudu.

Moo re ka se tsogego ra tšofala, ra se tsogego
ra tšofala,
Ka Nageng moo re ka se tsogego ra tšofala;
Ra se tsogego ra tšofala, ra se tsogego ra
tšofala,
Ka Nageng moo re ka se tsogego ra tšofala, ra
se tsogego ra tšofala.

²⁴ A go ka se makatše? Baswa ba tla ba ba bagolo, gomme batšofe ba tla ba baswa. Bjale, a seo ga se makatše? Gomme re ka se tsoge ra babja, goba ra tsoge ra ba le maswabi, goba ra se tsoge ra hwa.

²⁵ Bjale, ditirelo, Ngwanešu Neville o begile. Ke nyaka go bega bjale, le nna, gore kopano yela, le se e lebale, le dikopano tše re boletšego ka tšona. Gape, Mdi. Ford yoo a bego a fela a etla kerekeng mengwaga ya go feta, ke sa tšo mo iša go morwedi wa gagwe, matšatsi a mmalwa a go feta, gomme o bogolo bja mengwaga ye masomeseswai, gomme o ile go kopana le Morena bošegong bja go feta ka iri ya seswai, ke a nagana. Gomme ditirelo tša gagwe, modiša le nna re tla di swarela tšhapeleleng ga Coots Laboraro ka seripagare sa lesome—lesome, Laboraro le le tlago. Mdi. Ford, Mdi.... Ke a nagana ke lebala se ya gagwe.... Levi, Mdi. Levi Ford. Wa rena.... Yoo ke—yoo ke mmago Lloyd Ford yoo le mmonago ka pukung ya ka, gore o be a eya go mpolokela sutu yela ya Boy Scout, gomme ke no ba le leoto le letee le šetšego. Bjale, yola ke—yola ke mmago mošemane. Kafao ke mo tšere letšatši le lengwe gomme ke rapetše le yena, selo sa go šokiša sa kgale. Gomme o ile go kopana le Morena Jesu.

²⁶ Bjale, ge Morena a rata, ke bile le se sengwe fa seo nka go se bega gore ditirelo, ge ba ka tla bakeng sa beke ye e latelago ye, ge eba ke di beile ka fa, goba bonnyane ke naganne ke dirile, ka ga se ke bego ke eya go bolela ka sona bakeng sa ye—ye—ye e tlago, tirelo ye e tlago ya beke ye e latelago. Ge eba ke—ke nagana.... Ke naganne ke e beile ka pukung ye, ga ke tsebe ge eba ke dirile goba aowa. Ee, še yona. Morena ge a rata, Mokibelo bošego ke nyaka go rera ka sehlogo sa “Gobaneng motho o tee a huetša bophelo bja yo mongwe.” Gomme Lamorena mosong ke nyaka go rera ka “Go tswaleleng ga phiramiti.” Gomme Lamorena bošego ke nyaka go rera ka *Mohlahli Wa Ka*, sehlogo, *Mohlahli Wa Ka*, bakeng sa Lamorena le le tlago bošego. Bjale anke Morena a šegofatše dilo tšela le go nthuša, ke bile ntle, gomme feela boithekggo bjo bonnyane go di topela godimo.

²⁷ Bjale bošegong bjo, re nyaka go hlaganelo gomme re be le dilo di se kae. Ga lego, ke ne lengwalo fa leo—leo le sa tšo go tsena ka posong, ge Billy a le topile nakwana ya go feta, gore baena ba bangwe ba ka Michigan, gomme le le tšwa go mokgatlo wa badiredi leo le nago le dilo tše dintši. Ke se se hlakahlakanyago dilo, le a bona. Gore, ba tleleima gore ka fa gore baena ba bangwe godimo fale ba boletše gore ke ba romile godimo fale, gomme ba rera gore banna ba swanetše go tlogela basadibagatša ba bona gomme ba tsome balekani ba bona ba semoya, le gore—gore ke wa go se palelwe ka go phethagala. Gore ga go selo.... Gomme, oo, dilo tše dingwe tša go befa kudu le kilego la ke la di kwa. Gomme mokgatlo wa badiredi o e swere, gomme ba nngwalela lengwalo ka ga yona, le gore ke ba rometše godimo fale gomme go tliša tlhakatlhakano ye ntši. Gomme ba bangwe ba bona ba

profeta gomme ba bolela gore monna o tee o swanetše go tlogela mosadimogatša *yo* gomme a ye go nyala *yola*. Bjale, kereke ye e a tseba ga re emelete ditlakala tše bjalo bjalo ka tšeо.

²⁸ Re dumela go Beibele. Re dumela gore ge monna a tšeа mosadi, yoo ke mosadimogatša wa gagwe, gomme lehu le nnoši le ka ba aroganya. Ke lona feela. Ga re dumele go dilo boka tšeо. Ga re dumele ka lerato la bolokologi, ga ešita. Ga re dumele ka go selo se sebjalo. Ka nnete re dumela Beibele, gomme Yeo e nnoši. Kafao ke tla le dira khopi, khopi ya lengwalo le, gomme ka fa karabo go lona le go le bea ka go dikgatišobaka, gomme seo se tla—seo se tla e kgona. Ke a dumela e a dira, golebjalo, karabo go bona.

²⁹ Bjale bošegong bjo, feela pele re bula Lengwalo, a re boleleng le Morena wa rena.

³⁰ Tatewešu wa Legodimong, re batamela Terone ya Gago ya kgaogelo, Leineng la Morena Jesu, Yola Yena yo mogolo Yo a fologilego go tšwa Letagong go phutholla go rena mahumo a mahumo a Modimo. Re Go leboga gakaakang bakeng sa Jesu yo mogolo yo Yo a bilego ponagatšo ya Modimo, e dirilwe ka sebele go rena, gomme ka Yena re ne topollo go tloga dibeng tše ren. Gomme bjale re fetile go tloga lehung go ya Bophelong, gobane re a Mo dumela. Gobane go ngwadilwe ka Yena, gore O rile, “Yo a kwago Mantšu a Ka gomme a dumela Yena yoo a Nthomilego, o ne Bophelo bjo bosafelego; gomme a ka se tle kahlolong, eupša o fetile go tšwa lehung go ya Bophelong.”

³¹ Šegofatša Mantšu a Gago, bošegong bjo, Morena. Gomme re fa go tšeа selalelo feela nakong ye kopana. Mokriste, badudimmogo ba Mmušo ba tla bokana go dikologa dialetara, gomme moo ba tla tšeа se re se bitsago “selalelo,” ka—ka karolo ye nnyane ya—ya sakramente yeo O re šietšego, go bontšha gore re dumela gore O hwetše dibe tše ren, le go tsoga gape mo letšatšing la boraro, le go phela go iša neng le neng, le go dira se go fihlela O bowa, go ya ka Mangwalo bjalo ka ge re laetšwe. Hlwekiša dipelo tše ren go tloga dikgopolong tše mpe le tšohle re di dirilego tšeо di bilego kgahlanong le thato kgolo ya Gago. Tate, re swarele, gomme o re fe ka mogau wa Gago bošegong bjo. Re ngwathele Borotho bja Bophelo bjale, ka go Lentšu, ge re Le bala le go bolela ka Lona. Leineng la Morena Jesu, re a e kgopela. Amene.

³² Bjale ka Pukung ya Kutollo, go thoma ka temana e tee feela, ke duma go bala temana ya 20, goba temana ya 1 ya tema ya 20.

Gomme ke bone morongwa a fologa go tšwa legodimong, a swere sekgonyo sa molete wa tlhokabofase le ketane e kgolo ka seatleng sa gagwe.

³³ Bjale ke duma go bolela, ge go ka ba, ge eba nka e bitša sehlogo go tšwa go ye, goba go goga bokamorago go tšwa go setsopolwa se, bakeng sa metsotsotso ye e latelago ye masomepedi

goba masomepedi tlhano, ke tla rata go e bitša, *Sekgonyo Sa Lemati*. Bjale, ga ke dume go—go e dira “dikgonyo,” gobane Petro o filwe “dikgonyo go Mmušo.” Eupša ke nyaka go bitša ye: *Sekgonyo Sa Lemati*. Gomme ka pelapela ka morago ga se, ke duma go fa ditshwao tše nnyane di se kae ka selalelo, pele re se tsea bošegong bjo.

³⁴ Bjale, sekgonyo. Ke a lemoga fa ge re bala, gore Morongwa o fologile go tšwa Legodimong, a swere sekgonyo seatleng sa gagwe. Ke a dumela Kutollo 13 goba 19, re hwetša gape, Morongwa yo mongwe a etla le sekgonyo. Gomme sekgonyo ke, morero wa sekgonyo, ke go kgonyolla se sengwe, se sengwe seo se bego se kgontšwe, goba ke se sengwe seo se swanetšwego go kgonywa. Eupša sekgonyo se fiwa bakeng sa morero woo.

³⁵ Bjale, go ne mehuta ye mentši ya dikgonyo, gobane re ne mehola ye mentši ya dikgonyo. Go ne dikgonyo go ntlopologelo. Go ne sekgonyo go ntlo ya gago, go ne sekgonyo go sefatanaga sa gago. Gomme re di bitša dikgonyo, gomme ke dikgonyo. Gomme di ka segišwa, makga a mantši. Goba go ntlo, fao nako ye nngwe go ka dirwa, se re se bitšago, sekgonyo sa sekelema. Ka mantšu a mangwe, ke sekgonyo seo se dirilwego ka menwana, a dira go sona, ao—ao a phetlago sekgonyi ka tsela e rilego gomme se nyakile se ka kgonyolla lemati e ka ba lefe, se bitšwa “sekgonyo sa sekelema.” Ke foreime ya sekelema ya dikgonyo tše dintši, gomme se ka kgonyollwa ka tsela yeo, ka dintlo tša rena goba ebile go difatanaga tša rena, se ka segišwa. Gomme gona go ne . . .

³⁶ Sekgonyo e ka ba sefe se ka se kgonyolle lemati go fihlela se šomišwa ke seatla. Go swanetše go ba se sengwe go šomiša sekgonyo. Sekgonyo ka bosona se ka se itšomiše sonamong. Go swanetše go ba le se sengwe go neela sekgonyo.

³⁷ Go swana le segodišantšu se seo ke—seo ke bolelago ka sona. Segodišantšu seo se homotše. Ntle le ge go ka ba se sengwe go bolela ka sona, se ka se kgone go bolela ka sonamong. Go swanetše go ba se sengwe go bolela ka sona. Kafao, ga se segodišantšu, ke segalontšu goba le—le lešata (ka morago) leo segodišantšu le le fetišetšago go le—le lephoto la moya, go ditsebe tša lena.

³⁸ Bjale, ke ka tsela yeo go lego go rereng Ebangedi. Ga se renabeng, bjalo ka badiredi, ga se rena Ebangedi. Eupša re difetišetši tše di fetišago Segalontšu sa Modimo ka tirelo ya rena, ya batho, go mokwi.

³⁹ Pono e tsela ya go swana. Ga ke tsebe selo go bolela go kereke ka nako ye mabapi le pono. Eupša ge Moya wo Mokgethwa o ka bontšha, pele, nna pono, gona ke fetišetša pono yeo go yena yoo e mo lebanego. Kafao e be e se ya ka, nna, pono e be e se nna, nna. E be e le Modimo a file pono, gomme ke šomile bjalo ka sefetišetši, go tliša molaetša pele wa pono go batho.

⁴⁰ Bjale, sekgonyo ke selo sa go swana. Ntshwareleng. Sekgonyo ke selo se nnoši go ka swarwa ka seatleng seo se kgonyollago lemati. Le a bona, go swanetše go ba seatla. Bjale, gomme ka go sekgonyo ke yago go bolela ka sona bosegong bjo, ke seatla se tee feela se ka kgonago go swara sekgonyo se, gomme seo ke seatla sa tumelo. Ke selo se nnoši se ka—se ka swarago sekgonyo se. Gomme diatla di swara dikgonyo tše dingwe, gomme go tšeа seatla sa tumelo bakeng sa seo.

⁴¹ Bjale, re tšeа boka sekgonyo sa tsebo. Bjale, motho o swanetše go, ge eba a leka go kgoboketša tsebo, le a bona, bjale, go ne sekgonyo sa seo. Go ne tsela yeo motho yo a swanetšego go bula. O swanetše go ba . . . go hwetša dipuku tša gagwe le thuto ya gagwe, gomme a ka se ke . . . ga a gona a ka go mo ruta. Ba ka no mo ruta, eupša o swanetše go ithuta. Gomme tsela e nnoši go ka go dirwa, o swanetše go swara sekgonyo seo, gore se sengwe ka fale seo se phuthollago goba ut- . . . utollago go yena tsebo yeo a e nyakago.

⁴² Gomme go ne batho boka ba ka lekago go raloka piano gomme ba . . . goba mmino. Ga ba tsebe feela ka fao ba e dirago, eupša ba ka ya fale gomme morutiši a ka tšeа thutwana ka morago ga thutwana, gomme ba ka se tsoge ba ithuta yona. Ba no se kgone go swara sekgonyo go sephiri seo, ka fao morethetho le medumo ya go tšhuna le go ya pele e llelago ntle. Go tšeа sekgonyo.

⁴³ Le dipalo, go ne sekgonyo sa dipalo, seo o no go swanela go hwetša molekelelo wa sona. Ke bone banna bao ba ka kgonago go swara mothaliadi wa dipalo, gomme ba Bea menwana ya bona, wo mongwe le wo mongwe wa menwana ya bona go mothaliadi wa dipalo, gomme ba no tla thwi tlase ka mokgwa woo lebaka la mohlomongwe dipalo tša go teba tše tlano goba tše tshela, gomme ba Bea karabo ka tlase. Go nagantšhiša methaliadi ye mene ka nako, e ka ba kae go tloga go tee go fihla go senyane. Gabotse, ke ne nako ye boima go nagantšhiša mothaliadi o tee, ntle le ge ke ne menwana ya go lekanelia le menwana ya maoto go bala, go—go hwetša mothaliadi o tee o nagantšhitšwe. Ke no se tsoge ka kgonago go hwetša sekgonyo seo. Eupša, le a bona, ba bangwe ba bona ba no ba le sekgonyo sela go sona, ba tseba ba e dira bjang.

⁴⁴ Gomme go ne sekgonyo sa tsebo, monna ka morago ga tsebo. Go ne sekgonyo sa saense, diphatišio tša saense. Bjale, go na le, seo ke sekgonyo se segolo. Batho ba lebelela sekgonyo seo.

⁴⁵ Boka fa nako ye nngwe ya go feta ba hweditše athomo, gomme ba tsebile gore go be go le diathomo, gomme morago diathomo di bopile dimolekule le go ya pele. Bjale, ba ile go fatišiša, yo mongwe o dumetše ge eba athomo yela e swere se sengwe le se sengwe mmogo, ge eba athomo e ka retollwa, gore e tla tšeа se e se swerego le go se ripaganya diripa. Gobane,

se sengwe le se sengwe se swaragantšwe ke athomo, re tseba seo. Bjale, kota yeo e swerwe ka diathomo. O swerwe mmogo ka diathomo. Bjang, mehlare, se sengwe le se sengwe se swerwe mmogo ke diathomo. Gabotse, ge eba athomo yela, e retologela yohle tseleng e tee, ge eba e ka robja le go boetšwa morago, gona e tla senya. Gomme, bjale, borasaense ba bagolo ba dumetše gore seo se ka dirwa, gomme ba šomile gomme ba šomile, gomme ba dutše iri morago ga iri, le beke morago ga beke, ngwaga morago ga ngwaga, go fihlela ba e fentše.

⁴⁶ Go bile, ke a dumela, Thomas Edison, go lebone, gore ba re monna o bile le tsebo gore a ka kgona go dira seetša sa mohlakase. Ke yena mohlami wa klopu ya lebone. Gomme ebile o be a ka se ye malaong bošego. O be a tla tšea sangwetše ka seatleng sa gagwe gomme a ja dijo tša gagwe, gomme a dula fale le go nagantšhiša le go šoma. Felotsoko moragorago ka morago ga monagano wa gagwe, se sengwe se mmoditše a ka kgona go e dira. Ke eng? Ke sekgonyo seo se ka bulago tsela.

⁴⁷ E sego mengwaga ye mentši ya go feta, go bile mo—mo monna yoo a dumetsego gore o bile le talente ya go ngwala dingwalwathalwa. O dumetše o swere sekgonyo ka seatleng sa gagwe. Gomme o nyakile . . . o ile . . . O dutše ka Kansas. O ile go morulaganyi wa pampiri e kgolo ka Kansas City, gomme o tlie le tše dingwe tša dingwalwa tša gagwe. Gomme morulaganyi o rile, “Mohlomphegi, ga o na le sona. Wena, ga go tlhokego ya go leka, o—o ka se kgone go e dira.” Eupša seo ga se se mo kgotsofatše. O tsebile o bile le sona. Gomme o ile morago gape le gape, a leka, eupša o (morulaganyi) be a tla mo latolela. Mafelelong, o ile mafelalong a mangwe, gomme ba mo latoletše, ba re, “Morena, o no se be le sona. O ka se kgone go e dira.” Eupša efela o dumetše a ka kgona go e dira. Gomme yeo ke tsela, o ne se sengwe ka seatleng sa gagwe! Mafelalong, o hweditše mošomo wa go ngwala sethalwa tsoko se sennyane go, ke a dumela, borulaganyi goba se sengwe sebakeng sa kereke, mohuta tsoko wa sengwalwathalwa bakeng sa kereke. Gomme o ithwadišitše yenamong e nnyane ya mag- goba karatšhe ya go tlala magotlo, moo magotlo a thalaganyago mogohle lefelong le se sengwe le se sengwe, ka malakaneng a gagwe, gomme o bile go lemoga go itlhaoa ga legotlo le itšego le lennyane. Ke moo kanegelo ya Mickey Mouse e tswetšwego. Bjale ke radimilione Walt Disney. Gobaneng? O bile le se sengwe ka seatleng sa gagwe, gomme o tsebile o se swere, o tsebile a ka e dira. Gomme ke ka tsela ye phihlelelo ye nngwe le ye nngwe ye kgolo e dirwago. Ge banna le basadi ba ne se sengwe ka seatleng sa bona, seo ba tsebago ba ka e dira.

⁴⁸ Ge polio e hlasetše setšhaba. Boka, bohle re laetšwe bjale go hwetša thibela ye, go e fediša. Ge polio e hlasetše . . . Maabane ke be ke theeditše ngaka ge ke be ke otlela godimo ga tsela, ngaka tsoko go tšwa Louisville. O rile, “Mengwaga e se mekae ya go feta, ge kotlo e kgolo e bethile Louisville,” o rile, “ge

banna ba ka be ba eme moo ke bego ke dirile, gomme ke bone dihemisetši tše masometlhano šupa ka nako e tee, gomme banna, basadi, bašemane le basetsana, ba omile mphapha ka bolwetši bo bitšwago ‘polio,’ gomme go be go se selo se ka go dirwa ka bjona.” O rile, “Ga ke tsoge ka nyaka go bona selo boka seo gape.”

⁴⁹ Eupša saense e naganne, “Ge eba go ne selo se sebe bjalo boka polio, ka kgonthé go ne se sengwe go e lwantšha.” Ba lwele, ba eme mo mekgotheng ka diputsu, boraditimamello bale, ba beile dikefa ntle, gomme ba kgopetše, ba nyamišitšwe, ba dirile se sengwe le se sengwe, ba leka go hwetša sekgyonyo go kgonyolla lebati la tokologo. Gomme, mafelelong, mokgomana yo mongwe wa Mokriste ka leina la Salk o hweditše thibela. Gobaneng? Go be go ne bobo tiragalong, go be go ne mmolai tiragalong; go be go ne sekgyonyo felotsoko seo se ka go kgonyolla tokologo gape go motho, gomme thibela ya Salk e bile kalafi ye kgolo. Oo, se sekgyonyo se ka se dirago! Thibela e tlišitšwe, gomme bjale e fediša polio ka thibela ye, gobane gore e be e le “go se tsoge wa lapa goba go se tsoge wa ineela,” sekgyonyo sela se letše felotsoko. Go bile se sengwe se ka go hlabelwa go tšwa go yona, gomme ba be ba ikemišeditše go se hwetša.

⁵⁰ Gomme ge eba go ne selo se sebe bjalo boka polio, dikodu, mabora, letadi, segabe, sesepedi, le go ya pele, seo saense, mabobe a, e kgonnego go a lweša, bošego le mosegare, go fihlela ba hwetša tlabelo go tšwa go yona, gobane ke e mpe, ke mmolai, go bontši gakaakang go nago le sekgyonyo sa tshokologo go motho yoo a lego ka ntlong ya kgolego ya sebe? Go ne sekgyonyo sa lebati leo, go lokolla batho go tloga go yona.

⁵¹ Sekgyonyo, gantsi, ge e retolla senotlelo, gomme, ge o hwetša sekgyonyo, e swanetše go ba leruo tsoko, se sengwe seo se lego bohlokwa, goba ebile o ka se se kgonyelele. Ge se se bohlokwa go kgonyelelwa, nno se lesa se ikele. Eupša ge se le bohlokwa go kgonyelelwa! Kafao sekgyonyo ka mehla ke n—n nouto go se sengwe, goba tsela go tsena go se sengwe seo se lego bohlokwa. Sekgyonyo, ke seo se lego bakeng sa sona, bjale, se tla kgonyolla se sengwe seo se lego bohlokwa.

⁵² Bjale re bala ka go Mokgethwa Johane, tema ya 10, Jesu o rile, “Ke nna Mojako go ya lešakeng la dinku. Ke nna Mojako,” e sego mo mojako, “ona Mojako, Mojako o nnoši. Ke nna Tsela, Tsela e nnoši, Therešo, le Bophelo, gomme ga go motho a tlago go Tate eupša ka Nna. Ke nna Mojako go ya lešakeng la dinku gomme bohole ba ba tlago pele ga Ka ke manaba, mahodu le bahlakodi.” Yena ke Mojako go ya lešakeng la dinku. Yena ke Mojako go ya phološong.

⁵³ “Ga go na leina le lengwe le filwego ka tlase ga Legodimo ka lona le swanetšeego go phološwa, ke feela ka Leina la Jesu Kriste.” Ga go kereke, ga go kerekéléina, ga go thutotumelo, ga go dithuto goba e ka ba eng; ke feela ka Leina la Jesu. Seo ke—

seo ke Sekgonyo. Ga go makatše Petro a kgonne go šomiša se sengwe sa tšona mo Letšatšing la Pentecost! Ba nyakile go tseba ba ka tsena bjang ka go Mojako wola. O šomišitše Sekgonyo. Gomme go ne Sekgonyo se setee, gobane go ne Mojako o tee. “Ke nna Mojako.” Gomme Petro o bile le Sekgonyo sa Ona. Gomme o rile, “Sokologang, yo mongwe le yo mongwe wa lena, gomme le kolobetšweng Leineng la Jesu Kriste bakeng sa go tlošwa ga sebe sa lena, gomme le tla amogela maruo a Modimo.” Ke Sekgonyo sa Mojako, gomme Jesu ke Mojako.

Go ne Mojako o tee o nnoši go phodišo, gomme Jesu ke Mojako woo.

⁵⁴ Go ne Mojako o tee wa khutšo. Ya. “Khutšo ya Ka Ke le fa yona.” Ke Yena Mojako o nnoši wa khutšo ya mmapale. O ka no nagana o ne khutšo. O ka no kgoboketša tšelete ye e lekanego go reka lapa la gago, o ka kgoboketša tšelete ye e lekanego go hweletša bana ba gago diaparo, wa ba le dijo go ja, eupša o ka no kgoboketša botsebalegi bjo bo lekanego go tsebalega magareng ga batho. Eupša ge o rola dieta tša gago bošego le go ba komana go lala fase, go ne Selo se Tee se nnoši se ka go fago khutšo. Seo ke, ge o be o tseba o be o ehwa bošegong bjoo, go ne Khutšo e tee e nnoši, gomme, yeo ke, Jesu ke Khutšo. Yena ke Khutšo ya rena.

⁵⁵ Ke Yena Phodišo ya rena. “Ke Morena Modimo wa lena yoo a le fodišago malwetši a lena ohle.”

⁵⁶ Ke Yena Mojako wa go ya Legodimong. Gomme ga go na mojako wo mongwe goba ga go tsela ye nngwe eupša ka Jesu Kriste. Yena ke Mojako wa Legodimong.

⁵⁷ Gomme bjale Jesu ke Mojako wa dilo tšohle tše, gomme tumelo ke sekgonyo go kgonyolla Mojako. Bjale, ge Jesu a le Mojako wa ditshepišo tšohle tše tša Modimo, tumelo ka go modiro wa Gagwe o feditšwego e kgonyolla mojako wo mongwe le wo mongwe go leruo le lengwe le le lengwe le lego ka gare ga Mmušo wa Modimo. Le a e bona? Sekgonyo ke... Tumelo ke sekgonyo seo se kgonyollago tshepišo ye nngwe le ye nngwe A e dirago. Sekgonyo sa tumelo se dira seo, tumelo ka go modiro wo o feditšwego. Ke dikgonyo tše re bolelago ka tšona.

⁵⁸ Bjale ka go Bahebере, tema ya 11, ke ne molokoloko wo mogolo wa tšona o ngwadilwe fase fa, wa bagale ba ba tumelo. E be e le sekgonyo, sa—sa Mojako, seo se emišitšego molomo wa ditau. E bile sekgonyo, tumelo, yeo e kgonyollotšego dintlo tša kgolego. E bile tumelo, sekgonyo sa tumelo, seo se timilego kgaruru ya mollo, phonyokgile ntsha ya lerumo, tlisitše bahu morago bophelong gape. E bile tumelo, sekgonyo sa tumelo go Modimo yo a phelago. Seatla sela, monna yola, mosadi yola, yo a ka tšeago sekgonyo sela sa tumelo, ba ka kgonyolla tshepišo ye nngwe le ye nngwe Modimo a e dirilego. Eupša ge o se ne sekgonyo seo, o no ba o phopholetša, o ka se tsoge wa o kgonyolla. O tla betha kgahlanong le ona, gobane sekgonyo se... .

⁵⁹ Sekgonyo se sengwe le se sengwe se dirilwego ka go nepagala se ne menwana ka gare a senotlelo, gomme go tsea sebopego se rilego, lebopo le itšego la tšona dikgonyo go phetla menwana ale. Gomme feela leino le lennyane le tšwilego tseleng, le tla hlakahlakanya selo ka moka.

⁶⁰ Kagona, ke dumela go Ebangedi ya go tlala, Lentšu le lengwe le le lengwe la Modimo, leo le bulelago maatla a Modimo, leo le bulelago ditšhegofatšo go batho. Ke sekgonyo sa Mojako, seo se O kgonyollago. Oo, bagale bale ba bagolo, baprofeta bale le banna ba bagolo ba Beibele, bao ba bilego le sekgonyo! Ke ka lebakha leo ba kgonnego go emiša molomo wa ditau, ba tima kgaruru ya mollo, ba phonyokgile ntlha ya tšoša, ba tliša bahu morago bophelong gape, le go dira mehuta yohle ya mehlolo, ke ka gobane ba swere sekgonyo sela gomme ba tsebile se šomile, gobane e be e le sekgonyo sa go tswalwa ke Lengwalo.

⁶¹ Bjale, ge e ba ke phopholetša ka sekgonyo sa thutotumelo, ga ke tsebe se e yago go se dira. Ge ba re, “kereke ya ka e ruta *se*,” ga ke tsebe ka ga seo.

⁶² Eupša ge Beibele e e ruta, gomme ke swere sekgonyo sa tumelo seatleng sa ka, goba ka pelong ya ka, yeo e bolelago “leo ke Lentšu la Modimo,” seo se tla tima kgaruru ya mollo, e tla kgonyolla phodišo go balwetši, e tla kgonyolla phološo go balahlegi. Ke swanetše go tla go Mojako, se sengwe le se sengwe se ka Leineng la Gagwe. “Eng kapa eng le e dirago ka lentšu goba ka tiro, e direng Leineng la Gagwe.” Go tsebeng sekgonyo sela o se swerego ke tumelo, gobane ke sekgonyo sa go dirwa ka Lengwalo. Bjale, ge eba ke sekgonyo sa thutotumelo, sekgonyo sa kerekeleina, ga ke tsebe se e tla go se dira. Eupša ge e le sekgonyo sa Lengwalo, se tla kgonyolla, gobane Modimo o boletše bjalo. Bjale, oo, ga go makatše ba kgonne go emiša kgaruru ya mollo, le go ya pele, ba bile le sekgonyo.

⁶³ Go dumela ka hlogo ga Modimo ga mathomo go baprofeta bale, ga se gona se kgonnego go ba thibela. O be a se a swanela go e dira boka A e dira go nna nako ye nngwe, go e setla gape le gape, gomme mohlolomongwe lena (ga ke holofele), eupša a fela a mpotša, “Eya go dira *se*,” gomme morago o tla thekesela go ya, “Gona eya o dire *se*,” le “Eya morago gomme o e dire gape, ga se o e dire gabotse.” Feel a go dumela go tee ka hlogo! Feel a, ba no kgona go ikwela Moya o ba botša, “Ke selo go dira,” gomme ga se gona se yago go ba thibela. Ngwanešu, ba—ba—ba emišitše molomo wa ditau, ba phonyokgile ntlha ya tšoša, ba timile mollo, ba dirile se sengwe le se sengwe. Feel a go dumela ka hlogo go gonyane go tšwa go Modimo, gobane ba swere sekgonyo ka seatleng sa bona, tumelo yela ye kgolo! Ba diretše Modimo dilo gobane ga se gona se ka ba thibelago. Oo, letago bjang!

⁶⁴ Boka lesogana nako ye nngwe le tlie godimo go ngwanešu wa motšofadi yoo a bego a le mokgalabje wa bomodimo, moprofeta

wa kgale wa Modimo. Gomme o kwele monna yola a paka kgafetša, a bolela kgafetša ka ga bobotse bja Modimo, le ka fao Modimo a bego a le ka gona, le se Kriste a bego a le sona, le go no ya pele, a bolela. Mafelelong, lesogana le le be le eya go hlomamišwa ka bodireding, kafao o tlide go mokgethwa tsoko wa kgale yo, gomme o rile go yena, “Mohlomphegi, ke nyaka go go botšiša potšišo.”

O rile, “Botšiša, lesogana.”

⁶⁵ O rile, “A Kriste ka nnete o ra bontši kudu go wena bjalo ka ge o re E a dira?”

⁶⁶ O rile, “O ra bontši kudu go nna go feta se nka tsogego ka ba le mohemo go se bolela!” Ke lena bao. E be e le eng? O be a hweditše sekgonyo.

⁶⁷ Lesogana lela le rile, godimo ga seo, “Ge eba o tteleima dilo tše, gomme o re go nna gore di kgontha bjalo ka wena, gona ke nyaka go tseba Jesu yoo wa go swana, go kgontha ya go swana.” E be e le eng? O tsebile mokgalabje o bile le go swara sekgonyo, seo a kgonnego go kgonyolla le go kgonya.

⁶⁸ Le a tseba, sekgonyo seo se kgonyago, se a kgonyolla, gape. Le a bona? O ka bofolla goba wa bofa. Yeo ke nnete. Sekgonyo sa go swana seo se kgonyago, se a kgonyolla. Sekgonyo seo se kgonyollago, se kgona go kgonya. Gomme seo ke tlwa, le a bona, gobane se šoma ditsela bobedi. Go šokiša bjang gore kereke e tsoge e lahlegelwe ke pono ya seo! A selo sa go swabiša se bilego ge kereke e ithekištše yonamong go dithutotumelo, boka re dirile lehono, gomme bjale re bitša go kopanya.

⁶⁹ Re bone moo tlhatlamanaomo ye kgolo ya Roma le bona ba ya go kopana bjale, ba ya go fetola mananeo a mangwe. Ke naganne ga se ba fetoga; eupša ba ya go dira, golebjalo, ba fa moprista yo mongwe le yo mongwe maatla a mopapa, gomme—gomme e ka ba kae a lego, le go ya pele. Go šokiša bjang, gore kereke e tsoge e ithekiše go dithutotaelo sebakeng sa Lentšu. Le a bona? Ke moo re tlogetšego sekgonyo, thwi fale. Ke ka lebaka leo mehlolo ye megolo le maswao ga e dirwe magareng ga batho lehono, yeo e bego e fela e eba, ba lahlegetšwe ke sekgonyo! Ya, ba tseba Mojako, ba a tseba Mojako o gona, eupša selo sa go latela ke sekgonyo go bula Mojako. Maruo a ka morago ga Mojako. A kgonyeletšwe, go se bonwe, go tloga go mosedumele. Eupša modumedi, yo a nago le tumelo a ka tsea sekgonyo sa tumelo, a ka kgonyolla Mejako ye. Ee, mohlomphegi.

⁷⁰ Nako ye nngwe fa mengwaga e se mekae ya go feta, go bile le ngwanešu wa moromiwa, gomme o ikwetše o bile le pitšo go ya Afrika. O be a le moisa yo moswa; mosadimogatša le bana ba babedi, ba babotse kudu, basetsana ba baswa, ba ka ba bogolo bja mengwaga ye šupago goba seswai, go arogana. Gomme moisa yo monnyane yo ga se a kgone go tloga go yona. O be a le momo modiredi, o bile le kereke ye botse ka nageng. Eupša o nno

se kgone go tloga go yona, o “swanetše go ya Afrika.” Gomme o rapetše, mosegare le bošego. Ga se a nyake go ya. Gomme Modimo a fela a bolela le yena, “O swanetše go ya!” Gomme mafelelong o tla lefelong go fihla a, makgaolakgang, moo, o—o swanetše go ya!

⁷¹ Kafao o ile go poto ya mišene wa kereke ya gagwe, gomme o rile, “Modimo o mpileditše mašemong a boromiwa kgolekgole ka masoding a—a Rhodesia.” Gomme ka lesoding le le tletše ka malaria, ka letadi le ka letšatši la go fiša, tlhakgama le lephera, le mehuta yohle ya malwetši morago ka lesoding le, go ba moo a bego a eya go dira. . . . tše bophelo bja gagwe ka moka. O rekišitše lapa la gagwe le tšohle a bilego le tšona. Kafao poto ya mišene e nyakile go mo leka, gomme ba rile, “A o ne kgontha bjale?”

O rile, “Ke phosithifi.”

⁷² Ba rile go yena, “Mohlomphegi, a o e naganne ka mokgwa wo, gore o ne basetsana ba babedi ba babotse, gomme o ne momo mosadimogatša yo moswa wa go ratega, gomme ge o no. . . . Gobaneng o sa no ya godimo le go bona ka fao go lego gomme morago wa bowa morago?”

⁷³ O rile, “Aowa, Morena o mpoditše. Oo, go kgontha kudu!” O rile, “Morena o mpiditše. Gomme ga—ga ke nyake go tlogela lapa la ka, ga ke nyake go tlogela kereke ya ka le batho ba ka, eupša Morena o mpileditše morago ka lesoding lela.”

⁷⁴ Gomme o rile, “Mohlomphegi, o a tseba basetsana ba gago ba baswa ba ka tšeа letadi le serolwana goba letadi la meetsemaso, gomme ba hwa, ka bošego?” Gomme o boletše go batho ba go fapano bao ba lobilego bana ba bona, baisa ba bannyane, go ba tšeа morago ka fale, go malwetši ao ba bego ba se ba entelwa go ona. Gomme ba rile, “Nagana ka lephera, ka ga mosadimogatša wa gago yo mobotse le basetsana ba gago ba bannyane ba babedi ka lephera, le letšatši lela la go fiša le dilo o swanetšego go di kgotlelela.” Ba rile, “A ga o boife, le kotsi ya go tšeela bana le mosadimogatša wa gago ka lefelong lela?”

⁷⁵ Gomme moromiwa o eme fale, moisa yo moswa, gomme dikeledi di thoma go keleketa go theoga marama a gagwe, o retologile, o rile, “Baena ba ka! Pono ya ka ya pitšo ya Modimo,” o rile, “ge eba Modimo a mpiletša go Afrika, bana le lapa la ka le bolokegile kudu ka Afrika go feta lefelo e ka ba lefe ka lefaseng.” Amene. E be e le eng? O bile le sekgyonyo go pitšo ya gagwe, o bile le tumelo ka go se a bego a bolela ka sona. Oo, ke naganne, a tshwayo ya mogale! Ge la mathomo ke ekwa seo, pelo ya ka e tabogile. Le a bona, “Ge eba Modimo o mpileditše go Afrika, bana ba ka ka lephera le tlhakgama le se sengwe le se sengwe gape, ba bolokegile fale go feta lefelo e ka ba lefe le lengwe mo sefahlegong sa lefase.” O bile le sekgyonyo. Seo ke se go se tšeago.

⁷⁶ Ge o ne sekgyonyo, ga go ne poifo, ga go pelaelo, ga go ne potšišo. Ga wa swanelo go botšiša motho gape ka yona, o a tseba

tlwa. O ne yona ka diatleng tša gago, o a tseba o dire eng. Amene. O tseba se sekoro se lego, o tseba mojako o ilego go kgonyologa. O hlotše meno gomme o a tseba ka thata ke selo sa maleba, mojako o ya go bulega ge o lahlela sekgonyo ka gare ga ona.

⁷⁷ Oo, ge kereke feela nkabe e ruile dikgonyo! Ge kereke feela nkabe e ruile sekgonyo sela sa tumelo, re ka kgona go kgonyolla mojako e ka ba ofe, bolwetši e ka ba bofe, kotlo e ka ba efe, taba e ka ba efe e lego gona. E ka kgonyollwa go rena ge re ka kgona feela go rua sekgonyo se. Monna yo o bile le sekgonyo go pitšo ya gagwe.

⁷⁸ Ge le ka swarela bopaki bja sebele. Ke gopola e ka ba ye lesomethano, mengwaga ye lesomešupa ya go feta bjale, ka ga, ge Morena a rile go nna tlase fale mo nokeng, ge A fologetše fase ka go Pilara yela ya Mollo seswantšo sa Yona le se bonago, gomme O boletše le nna gomme O rile, “O ya go tšeela Molaetša wo go dikologa lefase.”

Gomme ke elelwa ka Tšilong ya Green ge A boletše le nna.

⁷⁹ Gomme ke ile gomme ke boditše modiša, gomme o mpoditše, o rile, “Billy, o jeleng bošego bjoo? O bile le segateledi.” O rile, “Eya morago mošomong wa gago. O šoma ka go Public Service Company, o ne mošomo wo mokaone, eya morago gomme o hlokomele kgwebo ya gago—ya gago, morwa.” O rile, “O bile le segateledi. O ja se sengwe.” Seo ga se se nnyefiše nthatana e tee!

⁸⁰ Ge ke thomiša bakeng sa ditirelo tša phodišo, bontši bja lena fa le elelwa Molaetša wa ka mosong wola, *Boka Dafida A ile Go Kopana Le Goliate*, ke rerile go ona.

⁸¹ Gomme ba mpoditše, o rile, “Mo letšatšing la saense ya sebjalebjale, ge re ne yohle mehuta ya diphatišišo tša kalafo, ge re ne dingaka tše kaonekaone, ge kereke e le kgale lebetše phodišo Kgethwa le selo go tloga ye mentši, mengwaga ye mentši ya go feta, o ya go ema bjang pele ga tšitširipa ye kgolo boka yeo? O ya go sepelela ntle bjang sefahlegong sa Mamethodist, Mabaptist, Presbyterian, le go ya pele, le ebile Mapentecostal, ba ba e lebetšego kgalekgale kudu, gomme ba ile ka go dithutotumelo tša bona? O ya go e lebanya bjang ntle le kerekeleina goba selo gape go go farafara? O ya go dira eng, Bill?” ka mokgwa wo itšego, wo mongwe, ga se e nnyefiše nthatana e tee, gobane ke be ke swere ka seatleng sa ka sekgonyo! Ke rile... Ba rile, “Ga a gona a tla go dumelago. O ka se kgone go e dira. Ga a gona a tla go dumelago.”

⁸² Ke rile, “Ga ke kgathale. Go ne selo se tee sa kgonthe; Modimo o mpiditše, gomme ke swanetše go ya gobane Modimo o mpiditše.” Ke be ke swere sekgonyo. O be a mpiditše, O be a mpontšhitše, O be a mpoditše, gomme ke bone Bogona bja Gagwe ge A nthomile, gomme sekgonyo se be se le gona!

⁸³ Modisha o rile, “Ka thuto ya kreiti ya bošupa, gomme o ya go rera le go rapela pele ga dikgoši le marena!”

Ke rile, “Ke go ya ka Lentšu la Gagwe!”

⁸⁴ E ka ba ka nako ye ngwaga wa go feta, goba beke goba tše pedi pele, ge ke ile ka swanelo go tla fa le go le botša gore Morena Modimo o mphile pono, ya go ya go tšeа leeto la go yo tsoma, gomme pho—pho phoofolo tsoko ke bego ke ile go e hwetša, yeo e bego e eya go ba le dinaka tša diintšhi tše masomenne nne go yona. Gomme tseleng go boweng go hwetšeng phoofolo ye (moo e tla bego e robetše, leemo e tla bago ka go lona), mo tseleng go boweng ke be ke eya go bolaya bera matšututšhutu ya ntlhasilibere. Gomme ke ile go karolo ye itšego ye, gomme ke boletše le monna, gomme o rile, “Ga ke tsebe ka ga phoofolo e ka ba efe yeo e bogegago ka mokgwa woo. Gomme bokgole ka ga bera matšututšhutu, ga se ke tsoge ka bona e tee.”

Ke rile, “Eupša felotsoko e swanetše go ba gona.”

⁸⁵ Kafao o rile, “Ebile ga re ye ka nageng ya bera. Re ya godimo go dinku, godimodimo ka godimo ga mothalo wa thimpa.” Gabotse, ke ile le yena.

⁸⁶ Gomme letšatši la bobedi ntle, ka go lona lefelo, tlwa moo Morena a boletšego, šele phoofolo e letše. Kafao ge ke ile le go tšeа phoofolo, gomme ge re be re tšeа mokgopa le dinaka le go ya pele, go di tloša, o rile, “Ke nyaka go go botšiša se sengwe. O mpoditše, matšatsi a mararo a go feta ge re tlogela ka—ka kampa, gore morago ga ge o thuntše sebata se rilego se, gore tseleng go boweng o be o ile ‘go bolaya bera matšututšhutu ya ntlhasilibere.’”

Ke rile, “Yeo ke O RIALO MORENA!”

⁸⁷ O rile, “Ga ke belaele,” o rile, “gobane ngwanešu o be a le wa dihwahwa, gomme ga se nke o tsoge wa mmona bophelong bja gago, ge o be o le fa nako ye nngwe, gomme o mpoditše gore mošemane yola o be a eya go fola ge ke dirile selo se itšego. Gomme o be a le.” O rile, “Bjale, eupša, Ngwanešu Branham, ke nyaka go go botšiša,” o rile, “Ke kgona go bona tsela yohle go theoga thaba go fao mothalo wa thimpa o lego, tšona dipere di eme. Gomme ga go selo fale. Ga go ne tlhasana ya bjang, ga go ne leswika, ga go ne selo.” Mahlaka a Caribou, e lego e ka ba botelele bja intšhi tše pedi, ka godimo ga mothalo wa thimpa, lebaka la maele goba bontši ka godimo ga mothalo wa thimpa. O rile, “Bera e ya go ba kae?”

⁸⁸ Ke rile, “Modimo ke Jehovah-jireh. Ge eba A mpoditše go tla ba le bera fale, go tla ba e tee gona fale.”

⁸⁹ Go theoga thaba, e ka ba nako ye nngwe le ye nngwe re fihlilego seripa sa maele goba bjalo, kgauswana, o rile, “Ngwanešu Branham, e ka ba nako go bera yela go bonagala.”

Ke rile, “Se tshwenyege, e tla ba gona.”

⁹⁰ Gomme ge re be re nyakile go ba ka gare ga e ka ba dijarata tše makgolotlhano a moo dipere di bego di le, re swanetše go

khutša gape ka dinaka tša go roba le dilo mokokotlong wa rena. Gomme o lebeletše tikologong gape, gomme ke bone sefahlego sa gagwe ge a ntebeletše, o ka re tlase ka pelong ya gagwe o be a maketše. Le a bona, o be a *holofetše* e tla ba gona, eupša ga se a be le sekgonyo.

⁹¹ Eupša mokgwatsoko, ka mogau wa Modimo, ga se nke A mpalediša. Ge A mpoditše go tla ba ntlhasilibere fale, ke bile le sekgonyo. Ga se ke e belaele nthatana e tee, e sego nthatana. Ke retologetše go yena, gomme ke rile, “Bud, e tla ba gona.” Gomme feela ge ke retologa, bera e be e le fale [Ga go selo go theipi—Mor.] e eme thwi ka godimo ga rena, e ka ba seripa sa maele.

⁹² O rwele digalase, o rile, “Billy, kafao nthuše, ke ntlhasilebere ye kgolo!”

⁹³ Le a bona, sekgonyo, pono, Lentšu la Morena, ga se gona se ka go Le fetola goba go Le emiša. Se kereke e se hlokago bošegong bjo ga se thuto. Se kereke e se hlokago bošegong bjo ga se kerekeleina. Se kereke e se hlokago bošegong bjo ga se thutotumelo. Se kereke e se hlokago bošegong bjo ke sekgonyo sa Mangwalo, Mojako. E lego, Kriste ke Mojako, gomme Yena ke Lentšu. Tumelo go Lentšu la Modimo yo a phelago e kgonyolla mojako wo mongwe le wo mongwe.

Modimo, re fe sekgonyo. Re fe sekgonyo.

⁹⁴ Bahebере, tema ya 12, e re, “Go boneng gore re dikaneditswe gohle ke leru le legolo bjalo la dihlatsa, a re beeleng thoko boima bjo bongwe le bjo bongwe, le gosedumele goo go re ditelago gabonolo.” E re “sebe,” e lego, *sebe* ke “gosedumele.” Le a bona? Sebe se setee, seo ke gosedumele.

⁹⁵ Gomme *sebe* go ra “go foša mmaraka.” Boka o thunya, o foša mmaraka, bokaone o lokiše sethunya, le a bona, gobane go ne se sengwe sa phošo. O fošitše mmaraka. Le a bona, bowa morago gomme o leke gape. Le a bona? Go ra go retologa, o fošitše mmaraka. Ge o nyaka go ba Mokriste, gomme o tšoena kereke, o fošitše mmaraka. Ge o nyaka go ba Mokriste, gomme o fafaditswe leineng la “Tate, Morwa, Moya wo Mokgethwa,” o fošitše mmaraka. Bokaone tla morago. O ka se be go senepša. O tla phatlalala, ka kgontha boka lefase. Go ne Selo se tee se ka go swarago mothalong wa go phethagala, seo ke Lengwalo, Beibele, Lentšu. Gobane, bobedi magodimo le lefase di tla feta, eupša Lentšu la Modimo le ka se tsoge la feta.

⁹⁶ Kafao, swara sekgonyo, tumelo go Lentšu! Gomme nthatana ye nngwe le ye nngwe ya tumelo gore o a dumela, gomme ga o belaele tlhasana e tee, o ka kgonyolla mojako wo mongwe le wo mongwe woo o emago magareng ga gago le tšhegofatšo yeo Modimo a nago bakeng sa gago. Anke Modimo a re thuše go ba le sekgonyo, ke thapelo ya ka. A re inamišeng dihlogo tša rena bjale bakeng sa lentšu la thapelo.

⁹⁷ Tatawešu wa Legodimong, re a Go leboga bošegong bjo gore O re fa sekgonyo go kgonyolla go rena phološo. Ke—ke a Go leboga bakeng sa seo, Morena, gore re phološitšwe, le bakeng sa sekgonyo re kgonnego go se šomiša bokgole bjo. Eupša, Modimo, re fe tumelo, gore le lengwe le le lengwe la Mantšu a a ngwadilwego ka Pukung ya Gago ke meno a mannyane, gomme Sekgonyo se se bitšwago Jesu... se Mojako wo, ke ra, o bitšwago Jesu; le sekgonyo, se bitšwago tumelo, e kgome Lentšu le lengwe le le lengwe, e le kgonyolle. E sepedišetša leino le lennyane lela fase gomme re kgona go tsena ka go tšhegofatšo yeo. Tate wa Legodimong, re fe sekgonyo, gore re ke re kgone go ba le tumelo ka go ditshepišo tša Modimo, gore tumelo ya rena e ke e se šitwe, gore re ke re kgone go ba tirelo go Wena le go bale re amanago le bona.

⁹⁸ Swarela sebe se sengwe le se sengwe sa gosedumele ga rena, Morena, gomme re thuše go ba ba Gago. Re a tla bjale go tafola ya selalelo, gomme ke a rapela, Tate wa Legodimong, gore O tla re lebalela go dikarogo tša rena tšohle, gore re ke re kgone go tsena ka lethabong la kopanelo go dikologa tafola ya Modimo. Re e kgopela ka Leina la Jesu. Amene.

⁹⁹ Ngwanešu, kgaetšedi, ge eba o ne sekgonyo sa Mmušo, sekgonyo sa Mojako, sekgonyo sa phološo, Modimo a go thuše go bula mejako le go dumelela Jesu go tsena. Anke A go fe dilo tše o di hlologetšego bjalo—bjalo.

¹⁰⁰ Bjale, feela nakwana pele re thoma go bala go selalelo, ke nyaka go bolela selo pele go eba selalelo. Gomme ge re etla go aletara ye, go ne tsela e tee go tla, yeo ke, ge re swara sekgonyo sa tumelo ka diatleng tša rena, seo se re dirago re tsebe gore dibe tša rena di swaretšwe. Gomme ge re se ne sekgonyo seo go kgonyolla Mojako, gore dibe tša rena di swaretšwe, ga re ne taba mo tafoleng ya Morena. Gobane, yo a jago le go nwa a sa swanelo, o jela le go nwela tshenyego go yenamong, a sa hhaloganye mmele wa Morena. Bjale, yeo ke therešo.

¹⁰¹ Ke a thanka bohole ba rena re tseba gore lehono ke Letšatši La Bosetšhaba La Selalelo. Le ke letšatši leo dikereke tšohle di tšeago selalelo. Ke Letšatši La Bosetšhaba la Selalelo gohle setšhabeng. Gomme ke naganne gore go tla ba maleba go bolela lentšu goba a mabedi ka selalelo pele re se tšea, ge modiša, ge a rata, a sa hwetša Mangwalo komana bakeng sa go bala ga le—le lenaneo la tafola ya Morena. Bjale, selalelo se... Bjale, nka se tsee eupša e ka ba metsotso ye lesome.

¹⁰² Selalelo seo re itokišetšago go se tšea, e bile ngangišano ye kgolo ya thuto e ka ba efe ka Beibeleng. Yeo e bile ya bona... ye nngwe ya dingangišano ka kerekeng ya peleng. Gomme lehono Protestant, ya Episcopalian le Mamethodist, le bontši bja dikereke tša Protestant, ka thakgalo ba ka amogela Katoliki, thuto ya Katoliki ya Roma, ge ba ka tshela mototolwana wo

monnyane wa selalelo. Eupša ba tla dumelelana gore moprista o swanetše go nyala le go ba badiredi, kereke ya Katoliki e dumelelana go seo makga a mmalwa ka dikhonferenseng le dikopanong tša bona. Ba dumelelana go seo. Gomme bohle ba dumelelana go dithapeло tša go fapana, le go ya pele, kereke ya Protestant e tla dumelelana go yeo. Le dikatikasema le go ya pele, aletara ye nnyane fa le fale, gomme kereke ya Katoliki e ikemišeditše go e dira. Eupša ge go etla go selalelo, fao ba wele. E ka ba mang yoo a kilego a bala histori o tseba seo. Eupša, nnete, go tsela ya ka ya go nagana, ba dirile bontši go tloga go, pele nka—nka e amogela, le a bona, gobane ga se Beibebe.

¹⁰³ Eupša ke nyaka le bolele selo se tee go kereke ya Katoliki. A le a tseba kereke ya Katoliki, mo mathomong, e be e le kereke ya pentecostal ya boapostola? Nnete e be e le! E be e le mathomo a pele a kereke. Gomme le bona moo ba—moo ba fihlilego, ba tšwetšepele ba tloša Lentšu gomme ba tsenya thutotaelo.

¹⁰⁴ Gomme ge kereke ya Pentecostal e ka ba gona mengwaga ye mengwe ye lekgolo, e tla ba kgolekgole go tloga go Beibebe go feta kereke ya Katoliki e le lehono, ka tsela ye e yago bjale.

¹⁰⁵ Go tšere kereke ya Katoliki ye mmalwa, mengwaga ye lekgolo go tloga go Yona, mengwaga ye makgolotharo, go tloga go kereke ya peleng go kgatlofatša kereke ya Katoliki ya Roma, ye ba e thomilego. Gomme ba tantše, ba tliša bahlomphegi ba bagolo le dilo, gomme ba ripile *se* gomme ba beile *se*, gomme ba ntšhitše *se* gomme ba beile *selo*, gomme ba theošitše medingwana ya bohetene gomme ba beile dihlwadieme tša Bokriste, le go ya pele, le go no itšimeletša go Yeo go fihla ba etla go se ba se swerego bjale, kereke ya Katoliki ya Roma.

¹⁰⁶ Gomme kereke ya Protestant Pentecostal go tloga me—me mengwaga ye masometlhano yeo e bilego gona, le moo e welego go tloga moo e thomilego, e tla ba ka leemong la go befabefi go feta kereke ya Katoliki, mo mengwageng ye lekgolo go tloga bjale. Yeo ke nnete. Leo ke lentšu le legolo go bolela, eupša nno lebelelang moo ba welego gona. Ba ile ka go mokgatlo, ba ile thwi go itšimeletšeng go *se le sela*, le se sengwe le se sengwe gape. Gomme šebale ba a ya, le a bona, ba boela morago thwi.

¹⁰⁷ Eupša, *selalelo*, se bitšwa “*selalelo sa Morena*.” Bjale, boati bja batho, ba nyaka go se tšeа mosong. Ga se go bolele ka Beibeleng gore e be e le *difihlolo* tša Gagwe. Gomme ka fao batho ba lehono, ka fao ba sa e bitšago “*selelo sa Morena*,” gomme ga ba. Ba ntšhitše *selalelo*, gomme ba se tlogetše, gomme ba se bitša “*matena*,” ditšiebadimo. Selalelo!

¹⁰⁸ Bjale, ka mehla ngangišano nakong ya Beibebe, e be e le ngangišano nako yela. Batho ba kwešišeditšethoko selalelo sa Morena. Ge ba etla tafoleng, Paulo o boditše Bakorinthe bale, ba be ba etla le go tagwa mo tafoleng ya Morena. Le a bona, e

kwešišeditšwethoko thwi nako yeo. O rile, “Ge le nyaka go ja, jang gae.”

¹⁰⁹ Gomme selo se sengwe, se ile sa kwešišetšwathoko, se se bego e le sona. Badiradibe, le batho ba phelago sebeng, ba tla le go tsea selalelo. Gomme seo se kwešišeditšwethoko. Monna a phela le mmagwe, mmane, gomme kereke e mmoditše ka ga yona; o sa tsea selalelo mo tafoleng.

¹¹⁰ Gomme go be go ne dikarogano magareng ga bona, gomme ba be ba sa tsea selalelo. O rile, “Ke a kwešiša gore le sepela boka Bantle ka moka. Gomme go ne—go ne kgohlano magareng ga lena, go swana e le gona ga—ga ka go ikgetha ntlong ya Kefase, le go ya pele.” O rile, “Le sepela go swana le Bantle ka moka.” Le a bona, se be se kwešišeditšwethoko.

¹¹¹ Selalelo ka mehla se kwešišweditšwethoko. Bjale, nka ya pele go seo lebaka la diiri, eupša re swanetše go hwetša selalelo se le go hlapišana maoto. Bjale gabonolo ba tlogetše go hlapišana maoto gohlegohle, eupša di se kae tsa dikerekemaina. Boati bja Mapentecostal ba tlogile ka go felela go yona. Le a bona? Gomme e sa le ka Beibeleng ka tsela yeo e ngwadilwego. Le a bona?

¹¹² Bjale, Roma ga e se bitše “selalelo.” Ba se bitša “mesa, ke mesa wo mokgethwa.” Ga ba tsee selalelo, ba tsea mesa. Ke mesa, gomme mesa ka nnete e tsea tlhaloso ya kgontha ya selalelo. *Mesa* go ra “go hutša.” Ba tsea mesa, ba hutša (gore go direng se ka go mesa) gore Modimo o tla ba swarela dibe tsa bona, ka go tseeng “mmele wa kgontha wa Kriste, wo moprista a retollelago Mmele le Madi a Kriste,” go tseeng woo, go hutšeng gore Modimo o tla tloša dibe tsa bona ka go dira bjalo. Ke mesa.

¹¹³ Maprotestant ba se bitša “selalelo.” Selalelo se ra “ditebogo.” Gore Protestant . . . Katoliki e tsea mesa, ka go mesa ba hutša gore Modimo o ba lebalela bobe ba bo dirago. Protestant e se tsea ka ditebogo bakeng sa se se šetšego se dirilwe ka selalelo le Modimo; go boledišana le Yena, gore e šetše e dirilwe. Katoliki e hutša gore e dirilwe; Protestant e re e šetše e dirilwe. Mokatoliki o makala ge eba dibe tsa gagwe di swaretšwe; Moprotestant o ipolela gore di swaretšwe, gore o lokologile. Gomme selalelo ke poledišano le Modimo. Gomme dilo tše re di tšeago, e sego go *mahutšo* gore dibe tsa rena di swaretšwe, eupša *di* swaretšwe. Gobane go . . . E tee ke lehutšo; gomme ye nngwe ke tumelo. Ye nngwe e hutša e lokile; gomme yola yo mongwe o a tseba o lokile. Le a bona? Yola yo mongwe, o tee o a hutša, gobane ga a tsebe moo a emego; yola yo mongwe o a tseba o lokile, gobane o tseba se Modimo a se boletšego. Yeo ke yona. Yeo ke phapano. Kafao, ge o no hutša, hlokomela; eupša ge o tseba, gona eya pele. Le a bona, gona o boledišana le Modimo. Protestant e, o re o swaretšwe gomme o a e tseba; Katoliki o ne mesa, mahutšo gore o tla swarelwa. Go no ba boka ka mokgwa wo: o tee ke mokgopedi, a hutša gore se sengwe le se sengwe se lokile, le a bona; yola yo

mongwe ke mokgopedi a leboga bakeng sa se šetšego se dirilwe. Bobedi ke bakgopedi. Eupša o tee o a kgopela, a hutša o tla e hwetša; Mokgopedi yo mongwe o a tseba o e swere, gomme o Mo lebogile bakeng sa go mo fa yona. Bjale, phapano šeo. Seo ke selalelo. Ee, mohlomphegi. O tee o hutša gore o swaretšwe; yola yo mongwe o a tseba o swaretšwe, gomme o fa ditebogo bakeng sa yona.

¹¹⁴ Kafao, selalelo ke sa Bakriste bao ba tswetšwego gape ka Moya wa Modimo. Gomme *go tswalwa gape* ga go no ra bjale gore o ne Moya wo Mokgethwa. Bjale elelwang. Bjale, bontši ba ruta seo. “Ga ke tsebe motho yoo a e rutago ka mokgwa wo,” boka Ngwanešu Arganbright wa kgale a boletše bošegong bjola go tšwa phuluphithing fa, le a bona. Eupša, tswalo ye mpsha ga se kolobetšo ya Moya wo Mokgethwa. Lengwalo ga le e thekge, ga ke nagane, le a bona, go tsela ya ka ya go e bona. Le a bona? Ke a dumela gore o tswalwa gape . . .

¹¹⁵ Gomme ke lebaka leo ke dirišago lentšu kolobetšo Leineng la Jesu Kriste, eupša e sego mpshafatšo. Bjale, Pentecostal, kereke ya United Pentecostal, e kolobetša Leineng la Jesu Kriste bakeng sa mpshafatšo. Ga ke dumele seo. Gomme ba ka e dira ge ba nyaka. Eupša ke dumela gore Petro o rile, “Sokologang,” pele. Meetse ga a tloše dibe. Church of Christ e e ruta ka tsela yeo. Eupša ke dumela gore tshokologo, go hlohlobana ga bomodimo; *go sokologa go ra* “go retologa, go ya morago,” o fošitše mmaraka, “thomiša gape.” Dira seo pele! Gomme kolobetšo ya lena ka meetse ke feela boipolelo bja ka ntle bja se sengwe seo se dirilwego ka gare ga gago, gore o amogetše Kriste bjalo ka Mophološi wa gago.

¹¹⁶ Ke a thanka e no ba kereke fa bošegong bjo, bokgole bjoo ke tsebago, ga ke fa go lekanelo go tseba ke mang a tlagó goba aowa. Ke ne tsholo ye myane fa e se kgale kudu go kolobetšeng monna ka mogobeng, moisa wa motšofe. Gomme ke ile go yena, o be a le mokgalabje wa go loka. Ke bile le monyetla wa go hlahlela lapa la gagwe lohle go Kriste, bohole ba bona ke Bakriste. Mokgalabje yo o be a le mokgalabje yo mobose, gomme ke mo ratile, kafao ke ile go yena gomme ke rile go yena, “Papa, gobaneng o sa be Mokriste?” O a nthata.

¹¹⁷ O rile, “Ngwanešu Branham, nka ba Mokriste ge nka loka go lekanelo.”

¹¹⁸ Ke rile, “Ke go botše o dire eng, Papa. Lebelela gohle go fihlela o hwetša moo o ka hwetšago go loka go lekanelo, o mpotše moo lefelo leo le lego, ke nyaka go ya le nna.” Ke rile, “Kriste ga se nke a tla go phološa motho wa go loka. O tla go phološa motho yo mobe.” Ge o nagana o lokile, gona ga se A tla go go phološa. O tla go phološa bona A tsebago ke ba babe. Le a bona? Kriste o hwile go phološa badiradibe. Le a bona? Gomme ke rile, “Papa, go ne mothaladi thwi fa.”

O rile, “Gabotse, ke kgoga disekerete tše.”

Ke rile, “Ebile ga ke ye go bolela ka tšona.”

O rile, “Ke lekile go di tlogela, Ngwanešu Branham.”

Ke rile, “Go lokile, ga re ye go bolela ka disekerete.”

O rile, “Gabotse, ge nka kgona . . .”

¹¹⁹ Ke rile, “Se—se bolele gape ka tšona, di lese di sepele. Ke nyaka go go botšiša potšišo.”

O rile, “Go lokile, ke eng?”

Ke rile, “A o a dumela go ne Modimo?”

¹²⁰ O rile, “Ka nnete, ke a e dumela.” O rile, “Ke dumela seo ka maatla boka o dira, ke tla thankā, Ngwanešu Branham.”

¹²¹ Ke rile, “A o a dumela gore Modimo wa go swana o tshetše tshwanelo ya Gagwe gomme o dirilwe nama le go dula magareng ga rena ka go motho wa Jesu Kriste, gore a phološe motho?”

O rile, “Ee, ke dumela seo.”

“Gomme O hwile go phološa badiradibe boka wena le nna re le?” Le a bona?

“Ee, ke dumela seo.”

¹²² Ke rile, “Bjale, go no ba ka mokgwa wo. Bohle re ka moagong o mogolo o motee godimo fa, gomme re ka kgolegong, gomme nka se eme godimo ka khoneng ye gomme ka re ‘se se tla nthuša go tšwa ka kgolegong,’ ke ema godimo ka khoneng yela gomme ke re ‘seo se tla nthuša go tšwa ka kgolegong,’ bohole re ka bothateng bja go swana. Gomme motho yo mongwe le yo mongwe yoo a tswetšwego ka lefaseng le o tswaletšwe sebeng, a kgolokelwa bokgopong, a tla lefaseng a bolela maaka. Ke legwaragwara, le go thoma.”

¹²³ Yo mongwe o mpotšišitše letšatši le lengwe, o rile, “Ngwanešu Branham, ge . . . a go tla ba phapano magareng ga Adama le Efa, le bana ba bona lehono, ge eba ba be ba ponoka, ba sepela ka . . . A—a mebele ya bona e tla swana?”

¹²⁴ Ke rile, “Aowa, mohlomphegi.” Re be re etla gae go tšwa go tsomeng sehlorwana, Ngwanešu Fred le nna, le sehlopha sa bona. Ke rile, “Aowa, ba ka se swane.”

¹²⁵ O rile, “O ra gore Efa a ka se be mosadi boka barwedi ba gagwe, gomme Adama a ka se be monna boka barwa ba gagwe?”

Ke rile, “Ka dilo tše dintši, eupša e sego ka dilo tšohle tša nama.”

O rile, “Phapano e tla ba eng?”

¹²⁶ Ke rile, “Ba ka se be le mokhubo ofe. Ba hlotšwe. Nnete. Ba be ba se ba hlomesetšwa go selo.”

¹²⁷ Ge feela seo se ama fale go se sengwe le se sengwe seo se tswetšwego lefaseng le, go bontšha ke legwaragwara, le go

thoma. Yeo ke nnete. Ke rile, “kgonthe, phapano šeo. Ba ka se be le mokhubo. Ba be ba se ba kgomaganywa go sa tshadi sefe, go tla fa.” Le a bona, Modimo o ba hlotše.

¹²⁸ Bjale, ke rile, “Ke nyaka go bolela se sengwe. Motho yo mongwe le yo mongwe o ka ntlong ya kgolego, ke mang yo mokgethwa? Ke mang a sega a tswalwa ka thobalano? Ke mang a ka go thuša yo mongwe, ga go kgathale se a lego? Bohle re ka kgolegong ya go swana ye. Eupša Modimo o itirile Yenamong yo mongwe wa ditlholo tša Gagwe le go tla go feta thobalano, ka Madi a makgethwa ao A a hlotšego Yenamong, gomme ka Madi ale O re lopolotše.” Ke rile, “O dumela seo, Papa?”

O rile, “Ke dumela seo.”

¹²⁹ Ke rile, “Kreste o hwetše monna yo mobe boka wena. Bjale, go ne tsela e nnoši go e dira. Ga se gona o kago go se dira. O go nea yona. O ka se e šomele. Ga se gona o ka go se dira go e hwetša. O no go fa yona. A o tla amogela se A go diretšego, go go thibela go ya heleng?”

¹³⁰ O rile, “Ke tla dira seo.” O rile, “Eupša ge nka no tlogela disekerete tše.”

¹³¹ Ke rile, “Disekerete di tla iponela tšonamong. O no . . . Ga ke go kgopele. Ga ke wa molao. Ke dumela go mogau. ‘Gomme bohle Tate a Mphilego ba tla tla go Nna.’” Ke rile, “Ge o dumela seo ka pelo ya gago yohle!”

O rile, “Ka pelo ya ka yohle, ke a e dumela.”

¹³² “Gona a o tla e amogela go metheo yeo, gore ga o ne maswanedi, eupša Ke Yena yoo a nago maswanedi? Se itebelele wenamong; lebelela Yena, gobane o ka se itirele selo wenamong. Lebelela Yena yoo a go diretšego se sengwe. Go reng ka Yena?”

“Oo,” o rile, “O ne maswanedi.”

Ke rile, “Yeo ke yona, gona amogela se A go fago.”

A re, “Ke a dira.”

¹³³ Gomme ke mo kolobeditše Leineng la Jesu Kriste. Gomme yena a tšwa fa gomme a gotetša sekerete.

¹³⁴ Dibeke di se kae tša go feta ke be ke le tlase legaeng la gagwe. Ke bone pono bošego bjo bongwe, bja mohlare wa mohlakamotala o ripša, wa hlanogela tlase godimo. Ke bone dipoto di kokotelwa go ona. Thwi go latela poto ya mafelelo go be go le poto ya go lemogega. Gomme ka tlase ga poto yeo, thwi tlase go leba bofelong, go kitimeleng ntle ka mokgwa *wo*, mohlare o robegile thwi fale. Gomme Segalontšu se rile, “Go ka be go bile wena,” goba “Go be go tla ba wena.” Gomme Papa Cox o wele, a šogaganya mokokotlo wa gagwe *fa*. Gomme kafao mosong wa go latela ba tlišitše disekerete tša gagwe go yena ge a be a le bolaong, tlhologelo e be e šetše e mo tlogile. Dibeke tša go feta! Ga se nke a latswa se tee, ebile ga a nyake se tee goba selo gape.

Le a bona? Gomme ke mmone nakwana ya go feta, ge diatla tša gagwe di be di no ba tsouthwa gohlegohle, dibeke di se kae tša go feta, ka disekerete, gomme bjale ga a kgone go kgotlelela se tee go ba tikologong ya gagwe. Bea dilo tša pele pele! Se leke go ba go loka; o yo mobe, le go thoma, gomme ga se gona o ka se dirago. Go ne mothalo wa go aroganya, gomme batho bohle ba ka lehlakoreng leo.

¹³⁵ Bjale, ge ke be ke tswalwa ka lefaseng le, e be e le magareng ga lenyalo le lekgethwa, magareng ga tate le mme wa ka; ka popelong ya gagwe go be go le lee, ka dithataneng tša tate go be go le sele ya madi. Bophelo bja ka bo bopilwe ka sele ya madi (e sego ya lee la mme), ya sele ya madi ya tate wa ka. Gomme ge sele yela ya madi e ile ka lefelong la yona la maleba go gahlanetša lee, ge e dirile, tlhago e laetswe go Modimo go mpha mmele. Gomme gona gore gona ke tswetše ka go moloko wa motho, ke filwe monyetla go—go ba motho wa bohlale boka batho ba le, moo ke kgonago go otlela sefatanaga, goba ke kgonago go dira dilo boka batho ba dira, go sepela, go bolela, go otlela sefatanaga, le go ya pele. Ke filwe seo, gobane ke tswetše ka lapeng la motho, le go fiwa maatla a bohlale go ba motho.

¹³⁶ Bjale, ge ke be ke tswalelwa ka lapeng la Modimo, ke tlie ka Madi, Madi a mpha Bophelo. Gomme gona morago ga ge ke bile go phela ka go Kriste, O nklobeditše ka Moya wo Mokgethwa le maatla, go ba morwa wa Modimo. Bjale, feela boka nka kgonago go sepela, go bolela boka motho, go otlela koloi ya ka boka motho, bjale ge ke amogela Moya wo Mokgethwa, ke amogela maatla go raka bodiabolo, go bolela ka maleme a maswa, go rera Ebangedi, go fodiša balwetši. Ke kolobeditšwe! E sego go tswalwa; eupša go kolobetšwa!

Ba be ba kopane ka kamoreng ya godimodimo,
Bohle ba rapela ka Leina la Gagwe,
Ba be ba kolobeditšwe ka Moya wo
Mokgethwa,
Gomme maatla a tirelo a tlie.

¹³⁷ Amene. O dumela go Bophelo bjo Bosafelego, gomme wa tswalwa gape ka tumelo ya gago. Jesu o rile, ka go Mokgethwa Johane 5:24, “Yo a kwago Mantšu a Ka gomme a dumela go Yena yoo a Nthomilego, o ne bophelo bjo bosafelego,” e sego Moya wo Mokgethwa, o no ba le bophelo bjo bosafelego. O tswaletswe ka lapeng la Modimo. Gomme morago a kolobetšwa ka go Moya wo Mokgethwa, ka maatla a bohlale bja tumelo, go dumela Ebangedi le go E šomiša le go E dira go ſoma gabotse. Amene. Gona o dira boka morwa wa Modimo. Gona a ka raka bodiabolo. Jesu o rile, “Maswao a a tla ba latela!” Le a bona? “Leineng la ka ba tla raka bodiabolo, ba bolela ka maleme a maswa, ba swara disephente, ba nwa dilo tše di bolayago.” Le a bona, o amogela maatla ka Moya wo Mokgethwa, go dira dilo tše.

¹³⁸ Bjale, ge A tlogile, O rile, “Go bohlokwa go Nna gore Ke tloge. Gobane, ge Ke sa tloge, Moya wo Mokgethwa o ka se tle.” Le a bona? Gona ge A etla, O tla kgala lefase ka sebe, le go ruta toko, le go le bontšha dilo tše di tlago (tšeо ke dipono). “O tla tsea dilo tše Ke le rutilego, le go di utolla go lena.” Ona Mantšu gore O a tla . . . Ga go motho a ka go kwešiša Lentšu ka ntle ga kolobetšo ya Moya wo Mokgethwa. Gomme ge motho a re o ne kolobetšo ya Moya wo Mokgethwa, gomme a ngangiša Lentšu go beng go nepagala, go ne se sengwe sa phošo.

¹³⁹ Paulo o be a le moswaswalatši wa Testamente ye Mpsha. E be e se, Testamente ye Mpsha e be e se ya ngwalwa. Paulo o be a le moswaswalatši wa Bokriste, Saulo. Gomme ge a amogetše Moya wo Mokgethwa, o ile mengwaga ye meraro ka Asia gomme o ithutile Mangwalo, gobane o be a rutilwe ka tlase ga Gamaliele, morutiši yo mogolo. Gona ge a bowa morago, gomme mengwaga ye lesomenne moragorago, o rotogile go kopana le Petro ka Jerusalema, gomme o hweditše ba be ba le Lentšu le ka Lentšu Ebangedi ya go swana. Modimo wa go swana yo a bilego le Petro go rera mo letšatšing la Pentecost le go ba botša go sokologa le go kolobetšwa Leineng la Jesu Kriste, ona Moya wo Mokgethwa wa go swana o utolotše go Paulo, gomme o ba boditše ka go Ditiro 19 ka morago ga ge ba šetše ba kolobeditšwe nako ye nngwe ke Johane, o rile, “Le swanetše go kolobetšwa ga pegape, Leineng la Jesu Kriste.” Le a bona?

¹⁴⁰ Le a bona, Moya wo Mokgethwa o dula thwi ka go otloga le Mangwalo. Ke tumelo ka go Ao e kgonyollago sephiri se sengwe le se sengwe. Amene. Beibele e rile, ka go Johane wa Pele 5:7, “Go ne ba bararo bao ba swerego bohlatse, Legodimong: Tate, Lentšu (e lego Kriste), le Moya wo Mokgethwa. Boraro bjo ke Batee.” “Gomme go ne ba bararo bao ba rwelego bohlatse lefaseng: meetse, Madi, Moya. Boraro bjo ga se batee, eupša ba dumeliana go tee.” Bjale, o ka se be le Tate ntle le go ba le Morwa, o ka se be le Morwa ntle le go ba le Moya wo Mokgethwa; Ke ba Batee. Eupša o ka lokafatšwa ntle le go hlwekišwa, gomme o ka hlwekišwa ntle le go ba le Moya wo Mokgethwa. Tlhwekišo ke ka Madi, ka Madi go tla Bophelo. Le a bona? Gomme Moya wo Mokgethwa ke maatla a Modimo, le a bona, maatla a filwego kereke.

¹⁴¹ “Le tla amogela” (eng?) “maatla,” Ditiro 1:8, “morago ga ge Moya wo Mokgethwa wo o tlie go lena. Le tla amogela maatla!” (E sego “le tla tswalwa gape.”) “Le tla amogela maatla morago ga ge Moya wo Mokgethwa o tlie go lena. Gona le dihlatsa tša Ka ka Jerusalema, Judea, le Samaria, go fihla pheletšong ya lefase.” Le a bona? Le amogela maatla morago ga ge le amogela Moya wo Mokgethwa. Eupša sa pele le swanetše go amogela Moya wo Mokgethwa, gomme ke maatla a Modimo, le a bona, go bonagatša le go diragatša. Lena le—lena le . . . boka o be o le motho, gomme o ithutile go bolela le go sepela le go dira dilo motho a di dirago; ge o kolobeditšwe ka Moya wo Mokgethwa, o filwe maatla go dira

bjalo ka barwa le barwedi ba Modimo. Ga go makatše batho ba itshwara le go dira ka tsela ye ba dirago lehono, ga se nke ba tlatšwa ka Moya wo Mokgethwa. Ge ba ka, ba tla itshwara go fapano. Ba tleleima ba nao, eupša Jesu o rile, “Le tla ba tseba ka dikenywa tša bona.” Kafao o ka e dira bjang, le a bona, e no ba go hlakahlakana gohle. Le a bona? Eupša etla morago go dintlh!

¹⁴² Bjale ge o sepela gabotse gomme wa tleleima wenamong go ba Mokriste, re a go mema bošegong bjo tafoleng ya Morena. Lehono, ga go pelaelo, selalelo se tšere go kgabaganya setšhaba, ba bangwe ba bona ka tsela e tee gomme ba bangwe ka ye nngwe. Eupša ke a nagana tsela ye kaonekaone go se dira ke go latela Mangwalo, feela ka tsela ye ba se dirilego ka Mangwalong. Ke nagana seo se tla lekanel.

¹⁴³ A o swere Beibele ya gago, Ngwanešu Neville? Ngwanešu Neville bjale o tla bala Mangwalo. [Ngwanešu Branham o re, “Ka go tema ya 11 ya Bakorinte ba Pele, go thoma go temana ya 23,” le go bala Mangwalo a latelago—Mor.]

[*Ka gore ke amogetše go Morena seo le nna ke le neetšego sona, Gore Morena Jesu bošego bjo bo swanago a ekilwego ka bjona o tšere senkgwa.*]

[*Gomme ge a lebogile, o se ngwathile, gomme o rile, Tšeang, jang; wo ke mmele wa ka, wo o robjago ka baka la lena: dirang se ka go nkgopola.*]

[*Ka morago ka mokgwa wa go swana gape o tšere senwelo, ge a jele selalelo, a re, Senwelo se ke kgwerano ye mpsha mading a ka: dirang se, ka mehla ge le se nwa, ka segopotšong sa ka.*]

[*Ka gore ka mehla ge le ja senkgwa se, gomme le enwa senwelo se, le laetše lehu la Morena go fihla a etla.*]

[*Ka fao mang kapa mang yo a tla jago senkgwa se, gomme a nwa senwelo se sa Morena, a se a swanela, o tla oba molato wa mmele le madi a Morena.*]

[*Eupša a motho a itekole ka boyena, gomme a kgone go ja senkgwa, le go nwa senwelo seo.*]

[*Ka gore yo a jago le go nwa a sa swanela, o itšeela le go inwela go lahlwa ka boyena, ka ge a sa hlaologanye mmele wa Morena.*]

[*Ke ka fao ba bantši ba fokolago le go babja magareng ga lena, gomme ba bantši ba a robala.*]

[*Ka gore ge nkabe re ikahlola ka borena, nkabe re sa ahlolwe.*]

[*Eupša ge re ahlolwa, re solwa ke Morena, gore re se ke ra lahlwa le lefase.*]

[Ngwanešu Neville o re, “Morena a šegofatše palo ya Lentšu la Gagwe.”]

¹⁴⁴ Ka mehla se selo se sekgethwa bjalo, selo se se kgethegilego bjalo, ke nagana re swanetše go inamiša dihlogo tša rena bjale thapelong ya setu. Le a nthapediša, ke tla le rapediša. A re rapedišaneng seng sa rena, gore Modimo o tla re gaogela rena dibopša tša go se swanelwe tše di lego hleng go tše sakramente ye kgolo ye ka segopotšong sa lehu la Morena wa rena.

¹⁴⁵ [Ngwanešu Branham o a khutša bakeng sa thapelo ya setu. Lefelo la go se be le selo godimo ga theipi—Mor.] Thapelo ye ya boipolelo re e neela go Wena, Tatawešu, godimo ga aletara ya Gago ya gauta, le Sehlabelo sa rena, Morena Jesu. Re e kgopela Leineng la Gagwe. Amene.

¹⁴⁶ Bjale ke a dumela bagolo ba tla tšeа lefelo la bona, gomme ba tla . . . ba kereke, gomme ba tla tliša batho godimo ge ba etla, mothaladi ka mothaladi, bakeng sa selalelo. Ka mehla ke nagana ka pina yela:

Morategi Kwana ye e hwago, Madi a bohlokwa
a Gago
A ka se tsoge a lahlegelwa ke maatla a Ona,
Go fiha Kereke e rekolotšwego ya Modimo
E phološwa, go se sa dira sebe gape.

A re inamišeng dihlogo tša rena.

¹⁴⁷ Wa mogau le Tate yo Mokgethwa, Jehofa, Ramaatlakamoka yo mogolo, romela ditšhegofatšo tša Gago godimo ga batho ba Gago ge re letile. Lebalela dibe tša rena. Gomme bjale re neela go Wena sakramente se, beine ye, diterebe tše di lenngwego, gomme diatla tša badiredi di šilagantše ye mmogo. Gomme e dirilwe go beine bakeng sa morero woo bjale re e tlišetšago go Wena, gore e ke e emele go rena Madi a Morena wa rena Jesu Kriste. Ke a Go rapela, Tate, go hlwekiša beine bakeng sa morero woo. Lebalela sebe se sengwe le se sengwe sa rena. Gomme anke motho yo mongwe le yo mongwe yoo a amogelago beine ye mmeleng wa bona, anke ba be le go phelega, maatla, le phološo go tšwa go Wena. E fe, Morena. Re e kgopela Leineng la Jesu. Amene.

¹⁴⁸ Beibele e boletše gore ge A ngwathile senkgwa gomme a se šegofaditše, o rile, “Tšeang gomme le je, wo ke Mmele wa Ka wo o ngwathwago bakeng sa lena. Dirang se segopotšong sa Ka.” Gomme ge re tšeа diphasela tše dinnyane tše tša senkgwa, sa košere, se se dirilwego go se omelwe, se dirilwe ke Bakriste, se dirilwe gobane se—se emela Mmele wa Kriste. Re kwešiša gore—gore e bile letšatšing la barutiwa ba Kriste, goba letšatšing la kereke, bao ba tšerego dikarolwana tše gomme ba lokišitše selalelo go selalelo sa mafelelo, selalelong sa mafelelo sa Kriste. Gomme tlase go theoga Beibele, e bile barutiwa bao ba diretšego dilo tše go batho. Gomme lehono, barutiwa ba letšatši la rena la sebjalebjale, baena ba rena fa ba kereke, barutiwa ba Taba ye,

badiredi go batho. Gomme ba tla tšeа dikarolwana tše le go di fa batho.

¹⁴⁹ Gomme bjale ge le amogela senkgwa se, elelwang, se emela Kwana. Mengwaga ya go feta kgale ge kwana ya Israele e bešitšwe mollong, gomme e tšerwe ka merogo ya go baba, batho ba bile le maatla; dieta tša bona ga se di tsoge tša hlagala, diaparo tša bona ga se di tsoge tša ba mankgeretla, gohle go kgabola leeto go fihla ba fihla nageng ya bona ya tshepišo. Anke Modimo a re boloke go phelegeng, re thabile, re Mo hlankela go fihlela re fihla Nageng ya Tshepišo yeo A re filego.

A re rapeleng.

¹⁵⁰ Wa mogau Tate wa Legodimong, boka ke be ke bolela bošegong bjo ka wola wo Mokgethwa, Mmele o hlwekišitšwego wa Morena wa rena, ka go Yena go dutšego botlalo bja Modimohlogo, ge ke nagana ka Mmele wola o kgamatheitše le—le go rathaganywa, le Madi a kitimela ntle, mokokotlo wa Gagwe le dikgopo tša Gagwe di phadima go kgabola, megogoma godimo le tlase mokokotlong wa Gagwe, ge ke nagana ka se sa go šošobana se, senkgwa se se dubilwego se emela woo, go tla bonanana ka dipelong tša rena, re bea dipelo tša rena, Morena, godimo ga aletara ya Gago bošegong bjo. Re swarele, O Modimo. Gomme anke senkgwa se se ngwathilwego se, ge se eya ka molomong wa ba, bahlanka ba Gago, gomme anke ba lemoge gore e bile Mmele wa Gago wo bohlokwa woo o tlapirigantšwego le go gobatšwa, gomme ka megogoma re fodišitšwe. E fe, Morena. Hlwekiša senkgwa se sa košere go morero wa sona o beetšwego. Re kgopela ka Leina la Jesu. Amene.

Nno swarang motsotso.

¹⁵¹ Ga se selalelo sa ba itšego. Mokriste modumedi yo mongwe le yo mongwe o amogetšwe tafoleng ya Morena, go ba le kopanelo ye le rena . . . ? . . .



SEKGONYO SA LEMATI NST62-1007
(The Key To The Door)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Oktobere 7, 1962, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org